

Skrifstofa:	Verkefnaáætlun	Málsnúmer:	UTN20020122
Heiti verkefnis:	Þátttaka íslenskra stjórnvalda í forystu aðgerðabandalags gegn kynbundnu ofbeldi í áttaksverkefni UN Women Kynslóð jafnréttis		
Dagsetningar Upphaf verkefnis: 01/07/2020 Áætluð lok verkefnis: 31/12/2026 Enda dagsetning * Verkefni lokið Dagsetningin hvenær verkefni verður orðið ónothæft / óþarft	Núverandi staða verkefnis ☐ Verkefnaáætlun ☒ Í vinnslu ☐ Í bið ☐ Lokið ☐ Hætt við verkefni		
Markmið og lýsing verkefnis Markmið verkefnis Í áttaksverkefni UN Women <i>Kynslóð jafnréttis</i> (e. <i>Generation Equality Forum</i>) taka ríki, alþjóðastofnanir og frjáls félagasamtök höndum saman og leiða aðgerðir á sviði jafnréttismála til fimm ára (2021-2026). Markmiðið er að að unnið sé markvisst að úrbótum á sviðum þar sem enn hallar á konur og stúlkur í samræmi við heimsmarkmið Sameinuðu þjóðanna til ársins 2030. Átakið er stærsta verkefni UN Women hingað til og meðal helstu áherslumála aðalframkvæmdastjóra Sameinuðu þjóðanna, António Guterres. Kynslóð jafnréttis var ýtt úr vör í tilefni 25 ára afmælis fjórðu ráðstefnu Sameinuðu þjóðanna (SP) um málefni kvenna sem haldin var í Peking árið 1995. Á ráðstefnunni var samþykkt pólitísk yfirlýsing og framkvæmdaáætlun um réttindi kvenna, <i>Pekingáætlunin</i> , sem m.a. byggist á ákvæðum kvennasáttmála SP frá árinu 1979, um afnám allrar mismununar gegn konum. Lýsing verkefnis Kynslóð jafnréttis er unnið á sex málefnasviðum og stýrt af aðgerðabandalögum (e. <i>Action Coalitions</i>). Íslensk stjórnvöld veita aðgerðabandalagi um kynbundið ofbeldi (e. <i>Action Coalition on Gender Based Violence</i>) forystu ásamt Bretlandi, Úrúgvæ, Kenía, Alþjóðaheilbrigðis- málastofnuninni, UN Women, framkvæmdastjórn Evrópusambandsins, Ford Foundation (góðgerðasjóður) og völdum alþjóðasamtökum kvennahreyfingarinnar. Í ljósi forystuhlutverks Íslands í verkefninu skipuðu forsætisráðherra og utanríkisráðherra um mitt ár 2020 stýrihóp ráðuneyta sinna um þátttöku stjórnvalda í verkefninu. Forsætisráðuneytið er fagráðuneyti jafnréttismála og gegnir miðlægu hlutverki við að leiða og samhæfa jafnréttisstarf stjórnvalda. Utanríkisráðuneytið, sem fer með samskipti við önnur ríki og alþjóðastofnanir í samræmi við lögbundið hlutverk sitt, samþættir jafnréttismál í utanríkisstefnu Íslands á grundvelli alþjóðlegra skuldbindinga og stjórnarsáttmála ríkisstjórnarinnar. Meginhlutverk stýrihópsins er að samhæfa starf og forystu íslenskra stjórnvalda í aðgerðabandalagi um kynbundið ofbeldi. Starf hópsins byggist á því starfi sem þegar hefur verið unnið að í málaflokknum af hálfu íslenskra stjórnvalda, innan Stjórnarráðsins og á alþjóðavettvangi og skal hann tryggja viðtækt samráð allra aðila þannig að verkefnið skili árangri hér á landi, sem og á alþjóðavettvangi. Vegna heimsfaraldurs Covid-19 var stórum viðburðum sem fyrirhugaðir voru á árinu 2020 frestað fram á 2021 og samningaviðræðum um mótun verkefnisins var einnig frestað. Stýrihópnum var með erindisbréfi m.a. falið að: 1. Vinna að markmiðssetningu verkefnisins og gera tímasetta aðgerðaáætlun til fimm ára. 2. Gera tillögur um mótun aðgerðabandalagsins um kynbundið ofbeldi, þ.m.t. áherslur og framlag Íslands til aðgerðabandalagsins, sem og samskipti við innlenda og erlenda samstarfsaðila. 3. Gera tillögur að aðgerðum sem hafi að markmiði að uppræta kynbundið ofbeldi. 4. Hrinda aðgerðum í framkvæmd og veita reglulega upplýsingar um stöðu verkefna og innleiðingu markmiða. 5. Undirbúa þátttöku íslenskra stjórnvalda og ráðherra ríkisstjórnarinnar á fundum og ráðstefnum er varða verkefnið <i>Kynslóð jafnréttis</i>.			

varða verkefnið *Kynslóð jafnréttis*.

6. Vinna markvisst að auknum stuðningi við aðgerðabandalagið um kynbundið ofbeldi bæði innanlands og á alþjóðlegum vettvangi.

7. Samþætta aðgerðir og málflutning í forystu aðgerðabandalagsins og afla stuðnings við málflutning þess á alþjóðavettvangi. Í þeim tilgangi verði náð samstarf við sendiráð og fastanefndir Íslands víða um heim, þ.m.t. á vettvangi Sameinuðu þjóðanna með áherslu á UN Women og UNFPA, OECD, NATO, ÖSE, í norrænu samstarfi og í allri þróunarsamvinnu Íslands.

8. Vekja athygli á og veita upplýsingar um stöðu málaflokksins og árangri aðgerða í baráttunni gegn hvers kyns kynbundnu ofbeldi, bæði innanlands og á alþjóðavettvangi.

Verkefnishópur	
<u>Hlutverk í verkefni</u>	<u>Nafn</u>
Verkefniseigandi	Forsætisráðuneytið og utanríkisráðuneytið
Verkefnisstjóri:	Rósa Guðrún Erlingsdóttir
Þátttakendur:	Stýrihópur forsætisráðuneytisins og utanríkisráðuneytisins um þátttöku íslenskra stjórnvalda í forystu aðgerðabandalags um kynbundið ofbeldi í átaksverkefni UN Women Kynslóð jafnréttis
Þátttakendur:	Samráð við hagaðila á sviði jafnréttismála

Tímaáætlun, áfangaskipting

Verkefnaáætlun stýrihóps forsætisráðuneytisins og utanríkisráðuneytisins 2020-2021

Júní 2020 - mars 2021

Þátttaka fulltrúa stýrihópsins í samningafundum aðgerðabandalags um kynbundið ofbeldi þar sem unnið var að mótun megináherslna annars vegar og markmiðum og mælikvörðum hins vegar.

Mars - júlí 2021

Á alþjóðlegum baráttudegi kvenna, 8. mars 2021, kynnti UN Women drög að megináherslum aðgerðabandalaganna sex sem starfa á málefnasviðum verkefnisins.

Fyrsta ráðstefna verkefnisins var haldin í Mexíkó 29. - 31. mars 2021 og fór hún fram með fjarfundabúnaði. Á ráðstefnunni voru áherslur aðgerðabandalaganna kynntar og kallað eftir skuldbindingum þátttakenda í verkefninu.

Önnur ráðstefna verkefnisins verður haldinn í samstarfi við frönsk stjórnvöld í París 30. júní - 2. júlí 2021. Á ráðstefnunni kynna þjóðarleiðtogar, ráðherrar og fulltrúar annarra samstarfsaðila skuldbindingar sínar og fjármögnun aðgerða til næstu fimm ára.

Mars - maí 2021

Stýrihópur vinnur að tillögum að skuldbindingum íslenskum stjórnvalda og hefja samráðsferli við innlenda haghafa á sviði jafnréttismála um þá stefnumótun. Áformaskjal um stefnumótun verður birt í samráðsgátt stjórnvalda og hagsmunaaðilum gefinn kostur á að senda umsagnir. Við sama tækifæri verður boðað til samráðsfundar með innlendum samtökum, stofnunum, fræðasamfélagi og fyrirtækjum.

Júní 2021

Tillögur að skuldbindingum bornar undir forsætisráðherra og utanríkisráðherra.

Júlí og ágúst 2021

Upplýsingamiðlun um skuldbindingar og aðgerðir íslenskra aðila í verkefninu.

16.-18. ágúst 2021

Meðal framlaga íslenskra stjórnvalda til verkefnisins Kynslóð jafnréttis er fjármögnun heimsfundar samtaka kvennahreyfingarinnar sem berjast gegn kynferðislegu ofbeldi (e. Reykjavík Dialogue, renewing activism to end violence against women) sem haldinn verður í Hörpu, Reykjavík í ágúst 2021. Í lok janúar 2021 var opnuð heimasíðan reykjavikdialogue.is og síður á samfélagsmiðlum. Stefnt er að því að streyma

samtaka kvennahreyfingarinnar sem berjast gegn kynferðislegu ofbeldi (e. Reykjavík Dialogue, renewing activism to end violence against women) sem haldinn verður í Hörpu, Reykjavík í ágúst 2021. Í lok janúar 2021 var opnuð heimasíðan reykjavikdialogue.is og síður á samfélagsmiðlum. Stefnt er að því að streyma viðburðinum og verður þátttaka í Hörpu háð þróun heimsfaraldurs COVID-19.

Kostnaðaráætlun Kostnaðarliður	Upphæð
Fundakostnaður vegna samráðs	800,00 krónur
Ýmis viðburðir og upplýsingamiðlun	1.200,00 krónur
	krónur
Samtals:	2.000,00 krónur
Aðrar athugasemdir og leiðbeiningar	
Mat við lok verkefnis Minnisblöð um framvindu verkefnisins eru unnin reglulega, áfangaskýrslur árlega og skýrslu skilað við lok verkefnis.	